

Atuartunut sumiissusersiorneq aallaavigalugu arpatsitsineq



Siulequt:

Atuartunut sumiissusersiorneq aallaavigalugu arpatsitsineq iluatsilluartumik ingerlanneqarpoq USK - mi ukiakkut 2003 - mi, allanut misilitassatut piukkunnarmat maanna ilanngunneqarpoq.

Tassani arpatsitsinermi atuartut eqimattanut qulingiluanut agguarnikuupput, atuartulli amerlassusaat aallaavigalugit suliassalersuisoqarlunilu agguataarisoqarsinnaavoq.

Qanoq ingerlassava?

- ♪ Sammisaq atuartunut 7 - 8 - 9 klassinut tulluutsinneqarpoq.
- ♪ Eqimattanut atuartut amerlassusaat aallaavigalugit, klassit akimorlugit, agguataar-neqassapput.
- ♪ Eqimattat tamarmik naqinnernik soorlu; A, B ... nik assigisaannilluunniit atserne-qassapput.
- ♪ Ilinniartitsisut sumiiffinni assigiinngitsuniittut eqimattat aqqusaartut nalunaarsuif-fissaannik peqassapput.
- ♪ Eqimattat tamarmik mappimik, kaasarfiusanik A4 tut angitigisumik ilioraaffissa-limmik aqerluusalimmillu tunineqassapput.
- ♪ Orniguffissat assigiinngitsut 9 -put.
- ♪ Ornitassap tullia sumiiffinni "eqqoriagassatut" soorlu; qaqqap qaaniittoq illoq tungujortoq orniguk, allataalluni tunniunneqartassaaq.
- ♪ Ornitassani tamani assigiinngitsunik suliassaqartassaaq.
- ♪ Naammassinermi ornitassaq tassaavoq atuarfik.

Suliassat makkuupput:

- ☉ Kristumiussuseq: Kristumiussutsip Kalaallit Nunaannut pineranik tunngassutilik.
- ☉ Umaatsulerineq: Nummi imersuarmini tunngasoq.
- ☉ Tuluttut: 15 sekundit ingerlanerini takusat eqqaamaniariarlugit tuluttut allallugit, ordbogit iluaqutigalugit.
- ☉ Oqaluttuarisaaneq: Hans Egedep nalaanit ullumikkut pisut tikillugit pisimasunik tulleriissarlugit inissitsiterineq.
- ☉ Kisitsineq: Oqarasuaatit qanoq akeqarneri, umiarsuarnullu attaveqaatit sammillugit.
- ☉ Kalaallisut: Taanikkaaraluni oqaaseqatigiiliorneq.
- ☉ Qallunaatut: Oqaasilerineq, oqaatsit ilaqtariit assigiinngitsut immersugassamut eqqortumik iliorarlugit.
- ☉ Uumassusilerineq: Naasunik assigiinngitsunik katersineq.
- ☉ Nunalerineq: Nuup kangerluani sumiiffiit assigiinngitsut nassaarlugit.

Atuartut qanoq iliornissaat:

- ☞ Arpatsitsinerup pinnginnerani atuartut eqimattanut - klassit akimorlugit- agguataarnejassapput.
- ☞ Eqimattat aallannginnerminni assilitissapput, minutsinik arlalinnik akuttussuseqarlutik tulleriiaallutik aallartassapput.
- ☞ Ornitani tamani suliassanik tunniussisoqartassaaq, tunniunneqartullu mappimut ikineqartassapput, arpannerup naammassinerani apuunnerminni ilinniartitsisunut tunniunneqartussanik.

Ilinniartitsisut suliassaat:

- ☼ Ilinniartitsisut afdelinngiminni imalluunniit ilinniartitsisoqatigiit klassinut taakkununga atuartitsisuusut akunnerminni kikkut sunik sammititsissanersut aalianger-sassavaat.
- ☼ Suleqatissat nassaarineqareerpata atuartunut sammititassat sularineqassapput.
- ☼ Sinneruttut arpatsitsinerup qanoq sumullu ingerlanissaa isumagissavaat.
- ☼ Arpatsitsinerup ingerlanerani ilinniartitsisut sumiiffinni aaliangersimasuniissapput atuartut aqqusaarfissaanni. Tassaniissallutillu eqimattat aqqusaartussat naammassinissaata tungaannut.